



REPUBLIKA E SHQIPËRISË
UNIVERSITETI I MJEKËSISË, TIRANË
SENATI AKADEMIK

Nr. 263/ Prot.
/4

Tiranë, më 04.02.2022

VENDIM
Nr. 9, datë 04.02.2022

**“PËR MIRATIMIN E SHPËRNDARJES SË KUOTAVE TË PRANIMIT DHE
TARIFAVE TË SHKOLLIMIT, NË PROGRAMET E CIKLIT TË TRETË TË
STUDIMEVE, SPECIALIZIME AFATGJATA, NË FUSHËN E MJEKËSISË, PËR
VITIN AKADEMIK 2021-2022, NË UNIVERSITETIN E MJEKËSISË TIRANË”**

Në zbatim të Ligjit Nr. 80/2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", neni 3, neni 25, neni 38, neni 42, neni 69, neni 78; Statutit dhe Rregullores së Universitetit të Mjekësisë, Tiranë; Rregullores së studimeve të specializimeve afatgjata, të ciklit të tretë, në fushën e mjekësisë, miratuar me Vendim nr. 8, datë 04.02.2022 të Senatit Akademik, Vendimit nr. 100, datë 16.12.2021 "Për miratimin e kuotave të pranimit në programet e ciklit të tretë të studimeve...", të Senatit Akademik, i ndryshuar, si dhe propozimeve të Ministrisë së Shëndetësisë dhe Mbrojtjes Sociale, Ministrisë së Mbrojtjes, Ministrisë së Brendshme dhe Ministrisë së Drejtësisë, Senati Akademik i Universitetit të Mjekësisë, Tiranë,

VENDOSI:

1. Kuotat e pranimit në Universitetin e Mjekësisë, Tiranë, për programet e specializimeve afatgjata, të ciklit të tretë të studimeve, me kohë të plotë, për vitin akademik 2021-2022, janë 319 (treqindëntëmbëdhjetë) të ndara si më poshtë:

a) Kuota pranimi të mbuluara nga Ministrisë së Shëndetësisë dhe Mbrojtjes Sociale	125;
b) Kuota pranimi nga Ministria e Drejtësisë	12;
c) Kuota të lira (të pa mbuluara)	179;
d) Kuota për transferim të studimeve nga institucione jashtë vendit	3;
2. Kuotat e pranimit për programet e ciklit të tretë të studimeve, specializime afatgjata, me kohë të plotë, të përcaktuara në pikën l/a), b) dhe c), të këtij vendimi, të ndara sipas programeve të studimit, pasqyrohen në tabelën nr. 1 bashkëlidhur këtij vendimi.
3. Kuotat e pranimeve për transferim studimesh (3 kuota) shpërndahen nga Rektori i UMT-së, bazuar në propozimin e dekanateve sipas kërkesave të aplikantëve që vijnë nga institucione të tjera të arsimit të lartë, jashtë vendit, në programe specializuese afatgjata të njëjta apo të

të njëjtit profil. Studentët e transferuar nuk mund të regjistrohen në vite më të larta se viti i dytë i studimeve të programit përkatës specializues.

4. Kuotat e pranimi për transferim të studimesh (10 kuota) janë në mbështetje të kërkesës së Ministrisë së Shëndetësisë dhe Mbrojtjes Sociale nr. 5057 prot., datë 14.12.2021, bazuar në nevojat e shërbimit shëndetësor për mjekë të specializuar. Studenti transferohet nga programe specializimi afatgjatë, të ngjashme, të Universitetit të Mjekësisë, Tiranë. Kandidatët që kërkojnë të transferohen sipas kësaj pike, duhet të marrë miratimin paraprak nga ministria përgjegjëse për shëndetësinë. Studentët e transferuar nuk mund të regjistrohen në vite më të larta se viti i dytë i studimeve të programit përkatës specializues.
5. Aplikojnë, për programe studimi specializuese, afatgjata, të gjithë kandidatët që kanë fituar të drejtën e ushtrimit të profesionit në Republikën e Shqipërisë, sipas përcaktimeve në rregulloren përkatëse të specializimeve afatgjata në fushën e mjekësisë.
6. Pranimet e studentëve në programin specializues afatgjatë, në numrin përkatës të kuotës së përcaktuar në këtë vendim, bëhen sipas përcaktimeve në rregulloren e studimeve të specializimeve afatgjata, të ciklit të tretë, në fushën e mjekësisë, miratuar me VSA nr. 8, datë 04.02.2022, të udhëzimit përkatës të Rektorit të Universitetit të Mjekësisë, Tiranë, si dhe të akteve ligjore e nënligjore në fuqi.
7. Tarifa e aplikimi dhe konkurrimit në programet specializuese afatgjatë apo tarifa e aplikimit për transferim studimesh është 5000 (pesëmijë) lekë. Tarifa vjetore e shkollimit për studentët që ndjekin programet specializuese afatgjata në fushën e mjekësisë, sipas përcaktimeve të këtij vendimi është 115000 (njëqind e pesëmbëdhjetë mijë) lekë (tarifa e konkurrimit/aplikimit dhe tarifa e shkollimit është e njëjtë me tarifën e vitit të mëparshëm akademik). Studentët e shpallur fitues paguajnë/arkëtojnë, menjëherë 30% të tarifës vjetore të shkollimit, ndërsa këstet e tjera arkëtohen sipas afateve dhe masës në përqindje të përcaktuara nga fakultetet përkatëse.
8. Studenti, i cilësuar, në bazë të rregullores së institucionit të arsimit të lartë publik, si përsëritës, i nënshtrohet tarifës së plotë vjetore të shkollimit, të vitit akademik në të cilin vazhdon studimet.
9. Kandidatët që përfitojnë nga kuotat e parashikuara sipas pikës 1/b) të këtij vendimi duhet të paraqesin, në momentin e aplikimit, shkresë mbështetëse nga ministria përkatëse. Studentët e shpallur fitues në kuotat sipas pikës 1/a) dhe b) të këtij vendimi lidhin kontratën me ministrinë përkatëse.

Modeli i kontratës dhe modaliteti e lidhjes së saj, detyrimet, penaltetet në rast mosrespektimi të tyre, është përgjegjësi e ministrive përkatëse, të cilat kanë dhe detyrimin e njoftimit të kandidatit lidhur me këtë aspekt, para hapjes së procesit të aplikimeve.

10. Efektet financiare, që rrjedhin nga zbatimi i këtij vendimi, të përballohen nga buxheti i njësive kryesore përkatëse të UMT-së, pa efekte buxhetore shtesë.
11. Ky vendim hyn në fuqi menjëherë, bëhet publik në faqen zyrtare të Universitetit të Mjekësisë, Tiranë dhe i përcillet për zbatim Fakultetit të Mjekësisë, Fakultetit të Mjekësisë, Dentare, si dhe Ministrive përkatëse dhe Qendrës së Shërbimeve Arsimore për vijimin e mëtejshëm të procedurave të përcaktuara në Rregulloren e studimeve të specializimeve afatgjata, të ciklit tretë, në fushën e mjekësisë.

KRYETARI I SENATIT AKADEMIK
ARBEN GJATA



TABELA NR. 1: Shpërndarja e kuotave të pranimit në programet e ciklit të tretë të studimeve, specializime afatgjata në fushën e mjekësisë, në Universitetin e Mjekësisë Tiranë, për vitin akademik 2021-2022

Nr.	NJESIA KRYESORE	PROGRAMI I STUDIMIT	KUOTA TË MIRATUARA PËR VITIN AKADEMIK 2021-2022	KUOTA NGA MSHMS	KUOTA MINISTRIA E DREJTËSISË	KUOTA TË LIRA PAS PROPOZIMEVE TË MINISTRIVE
1	F. MJEKËSISË	ALERGOLOGJI DHE IMUNOLOGJI KLINIKE	5			5
2	F. MJEKËSISË	ANATOMI PATOLOGJIKE	5			5
3	F. MJEKËSISË	ANESTEZI-REANIMACION	20	20		0
4	F. MJEKËSISË	DERMATOLOGJI DHE VENEROLOGJI	5			5
5	F. MJEKËSISË	ENDOKRINOLOGJI	5		1	4
6	F. MJEKËSISË	GASTROHEPATOLOGJI	5			5
7	F. MJEKËSISË	HEMATOLOGJI	5			5
8	F. MJEKËSISË	DIAGNOZË ME IMAZHE	15	9		6
9	F. MJEKËSISË	KARDIOLOGJI	15	10	2	3
10	F. MJEKËSISË	KIRURGJI E PËRGJITHSHME	16	8	2	6
11	F. MJEKËSISË	KIRURGJI PLASTIKE, RIKONSTRUKTIVE DHE ESTETIKE	5			5
12	F. MJEKËSISË	LABORATOR KIMIK BËKIMIK	5			5
13	F. MJEKËSISË	MIKROBIOLOGJI	5			5
14	F. MJEKËSISË	MJEKËSI URGJENCE	15	8	2	5
15	F. MJEKËSISË	MJEKËSI FAMILJE	30	4		26
16	F. MJEKËSISË	MJEKËSI INTERNE	10	9	1	0
17	F. MJEKËSISË	MJEKËSI LIGJORE	5		3	2
18	F. MJEKËSISË	MJEKËSI TRANSFUZIVE	5			5
19	F. MJEKËSISË	NEFROLOGJI	5			5
20	F. MJEKËSISË	NEUROKIRURGJI	5	2		3
21	F. MJEKËSISË	NEUROLOGJI	5	5		0
22	F. MJEKËSISË	OBSTETRIKE DHE GJINEKOLOGJI	10	9		1
23	F. MJEKËSISË	ONKOLOGJI	10	3		7
24	F. MJEKËSISË	ORTOPEDI-TRAUMATOLOGJI	5			5
25	F. MJEKËSISË	OTORINOLARINGOLOGJI	5	2		3
26	F. MJEKËSISË	PEDIATRI	20	15		5
27	F. MJEKËSISË	PNEUMOLOGJI	10	9		1
28	F. MJEKËSISË	PSIKIATRI	10	5	1	4
29	F. MJEKËSISË	PSIKIATRI E FEMIJËVE DHE ADOLESHENTËVE	5			5
30	F. MJEKËSISË	REUMATOLOGJI	10			10
31	F. MJEKËSISË	SËMUNDJE INFEKTIVE	20	7		13
32	F. MJEKËSISË	SHËNDET PUBLIK	5			5
33	F. MJEKËSISË	TOKSIKOLOGJI KLINIKE	5			5
34	F. M. DENTARE	TERAPI STOMATOLOGJIKE	5			5
35	F. M. DENTARE	PEDODONTI	5			5

*3 kuota të miratuara për transferim të studimeve nga institucionet e tjera, jashtë vendit

*10 kuota të miratuara për transferim të studimeve, kërkuar nga Ministria e Shëndetësisë dhe Mbrojtjes Sociale